


COVID-19 iha Timor-Leste

Rezumu Epidemologiku Nº1: 19 Abril – 25 Abril, 2021


Publikasaun regular ho parseria entre: (1) Pilar 3 Ministériu Saúde, (nu'udar parte husi Forsa Tarefa ba Prevensaun no Mitigasaun Surtu Covid-19, CIGC-SS), (2) Instituto Nacional de Saúde, (3) AusMAT, (4) OMS, (5) Menzies School of Health Research.

1. Kurva epidemika




Kurva epidemiku mos bele prezenta ho total númeru kazu nian, iha kada fulan. Aumentu ne'eb'e mak sae a'as iha fulan Março no Abril ne'e tamba iha ona transmisaun iha Timor laran.

2. Hospitalizasaun




Durante pandemia iha tinan 1 primeiru, kazu hotu-hotu diagnostikadu iha kuarantina laran no paciente hotu-hotu hetan infeksaun kaman ou asintomatiku. Ema sira ne'e izoladu, atu protégé husi transmisaun, maibe la iha ema ida mak prezisa hospitalizasaun. Desde 20 de Março 2021, iha ona ema nain 23 ho COVID-19 no prezisa hospitalizasaun. Grafiku ida ne'e hatudu konaba kazu sira ne'ebé mak prezisa hospitalizasaun durante fulan Março 2021, iha barra kor matak. Linha azul ne'e hatudu konaba númeru kumulativu husi ema sira ne'ebé mak prezisa hospitalizasaun.



Hare tuir númeru kazu ne'ebé kontinua aumenta, entaun númeru husi ema moras ne'ebé mak prezisa hospitalizasaun, mos sei aumenta. Taxa hospitalizasaun nian normalmente sei

sae depois de número kazu aumenta. Grafiku ida ne'e hatudu konaba número hospitalizasaun nian ho linha azul, komesa aumenta, depois de número kazu nian mos komesa sae a'as iha fulan Março 2021. Mortalidade mos sei komesa aumenta. Até agora, iha ona ema nain tolu mak mate asociadu ho COVID-19 iha Timor-Leste.

3. Estimasaun ba taxa insidensia



Taxa insidensia, sukat número kazu konfirmadu nian iha populasau ida, kada loran, no normalmente nia sukat/halo medida ba kazu kada ema 100.000 iha loran ida. Grafiku ida ne'e hatudu katak taxa ba notifikasaun nian (ou taxa insidente) ne'e sempre iha mudansa husi loran ida ba loran seluk, maibe kontinua aumenta. Ida ne'e mak evidentemente ita hare iha Dili laran, reprezenta iha linha mean solidu iha grafiku. Taxa notifikasaun diaria nian iha Dili, durante loran 7 liu ba (19 Abril – 25 Abril, 2021) nia média (*average*) mak kazu 28.8 husi populasau 100.000, iha loran ida.

4. Taxa ba kresimentu no número báziku ba reproduasaun

Faktor ba kresimentu diaria iha número kazu nian ne'e aproximadamente 1.05. Ida ne'e rezulta ba iha tempu duplikasaun ida, aproximadamente loran 14. Dadus resente ho aumentu a'as iha estimasaun prevalensia nian, hatudu katak tempu duplikasaun nian sei bele habadak ba loran 8. Bazeia tuir estimativa sira ne'e, número báziku ba reproduasaun (R-naught) nian, ne'e provavelmente entre 1.6 no 2.4 iha Timor-Leste. Ida ne'e signifika katak ba kada ema sira ne'ebé mak iha ona COVID-19, ema nain 2 seluk sei infektadu iha loran 10 tuir mai. Ida ne'e sei kauza ba kresimentu exponensial iha número kazu nian, exepu kuandu medida saúde pública nian ne'e ita aplika hodi bele limite transmisaun.


5. Estimasaun ba prevalensia

Prevalensia COVID-19 nian iha Dili bele estimadu, bazeia tuir proporsau husi ema sira ne'ebé mak teste positivu ba COVID-19, wainhira sira hetan teste PCR ba COVID-19 antes atu halo viagem hodi husik hela fatin serka sanitaria. Iha loran 7, desde dia 18 Abril – 24 Abril 2021, iha ema hamutuk 3.311 mak halo ona teste ba objetivu ida ne'e; 271 (8.2%) mak hetan positivu. Ida ne'e ita bele uza hodi halo estimasaun ba prevalensia, no kalkulasau ida husi intervalu konfidensial nian 95%, hatudu katak prevalensia atual husi COVID-19 nian iha Dili, ne'e entre 7.3% no 9.2%.

6. Númeru kazu ne'ebé la detektadu

Bazeia tuir populasaun estimadu 300.000 iha Dili no estimasaun kiik ba prevalensia nian, ne'e fó estimasaun katak mais ou menus ema 21.900 ne'ebé hela Dili, mak agora dadauk iha COVID-19. Ida ne'e hatudu katak mais ou menus ema 20.000 mak ho COVID-19 no la diagnostikadu, no iha risku atu espalha infeksaun ba ema seluk iha comunidade nia laran.

7. Atualizasaun ba Vasinasaun



Iha lora 25 Abril 2021, administra ona AstraZeneca nia dose primeiru hamutuk 22.258, predominantemente fó ba trabalhador linha frente sira iha munisipiu 13, Timor-Leste. Total husi profesional saúde hamutuk 7,940 mak simu ona sira nia dose primeiru.

8. Predisaun

Karik kresimentu iha notifikasaun diaria COVID-19 nian ne'e kontinua ba iha taxa atual, espera katak sei tan iha COVID-19 nia kazu foun kuaze 2.000 ne'ebé mak sei diagnostikadu iha semana 2 tuir mai, asosiadu ho aumentu iha hospitalizasaun no ema mate.

9. Rekomendasaun

Taxa transmisaun nian bele redus liu husi medida saúde públiku ne'ebé mak efetivu, inklui uza maskra, fase liman no distansiamentu fiziku. Konfinamentu nia medida ne'ebé mak limita interaksaun fizikal, viagen no halibur malu, ne'e hatudu ona nia efetivu iha nasaun barak iha mundu. Durante konfinamentu, normalmente sei obrigatoriu atu ema sira hela/hakmatek iha uma exeptu kuandu sira prezisa sai ba halao servisu esensial (hanesan pesoal saúde iha linha frente), kompras/sosa nesiedade esensial (hanesan ba sosa hahan) ou atu asesu ba tratamentu saúde. Konfinamentu sei bele redus númeru reproduasaun báziku nian menus husi 1.0, ne'ebé mak bele hamosu redusaun ba iha númeru kazu diaria nian no hatun ou muda fali linha kurva nian ba normal.

Fó mensagen ne'ebé mak forte no klaru ba públiku ne'e nesessariu, hodi enkoraja comunidade atu halo tuir protokolu saúde públiku nian, respeitu profesional saúde sira ne'ebé mak halao servisu iha linha frente, no atu limite interaksaun fizikal ba interaksaun ne'ebé esensial deit ho vizinho sira ne'ebé mak hela besik.

Alem ida ne'e, kontinua halo implementasaun vasina ne'e esensial tebes, hodi fornese proteksaun hasoru infeksaun COVID-19 no especialmente kontra moras grave no mate.

Majoridade linha frente simu ona vasina. Agora tenki muda objetivu atu fo vasina ba grupu vulneravel hanesan ema idade bo'ot no ema ho komorbite.

= Ninin & rohan =